

陶

齋

藏

石

記

旬齋藏石記卷二

漢二

楊叔恭殘碑

有陰有側

殘石高一尺八寸八分寬二尺四寸七分十二行行一字至九字不等字徑八分碑陰十二行碑側四行行一字至九字不等字徑五分至一寸強不等並分書

□□容□□

適主□野□□

四郡數絀十城□

甄功者也於是從□

先陳留韓□□□□

杼秦山縣球□□□平

彰盛德示□□□辭□

城宣仁播威賞恭糾憚

清開聽四聽招賢與程

尊旅揚旌殄威醜類

勛烈煥爾聿用佐詩

七月六日甲子造

碑陰

仲威

甫

欽光義

固孟堅

仲彥

書佐

王孫振恒成

書左

王孫无悔

書

世存

書

祖孝

書佐

王孫君格

書佐

書佐山

國

碑側

禪伯友

佐陳留范脩興祖

書佐濟北基平冀納貝

羊公雅

右沈州刺史楊叔恭殘碑舊在鉅野城南昌邑聚即漢昌邑國
沈州刺史治鄆道元濟水注菏水又東逕昌邑縣漢景帝為山
陽國王莽之鉅野郡也後更為高平郡大城東北有金城城內
有沈州刺史河東薛季象碑次西有沈州刺史茂陵楊叔恭碑
從事孫光等以建甯四年立按茲石末書七月六日甲子造范

氏後漢書靈帝紀建甯四年三月辛酉朔日有食之司馬彪續漢書五行志亦同劉昭注引潛潭巴日食辛酉之說由三月辛酉閏兩小建則七月己未朔六日當得甲子又武都太守李翕西狹頌末書建甯四年六月十三日壬寅造由壬寅後小建一則七月六日得甲子以是定為建甯四年從事孫光等為沔州刺史茂陵楊叔恭所造者也韓詩外傳曰牧者所以開四目通四聰續漢志劉昭注刺史職引之比碑開聰四聽乃刺史職也嘉慶二十一年歲在丙子四月十六日乙丑獲石移置家塾

馬邦玉跋

右漢楊叔恭殘碑拓本高一尺八寸廣二尺厚八寸下寬上銳

乃碑末之一角嘉慶二十一年出於鉅野之昌邑聚魚臺馬邦
玉購得之今在魚臺馬氏正面存十二行行存一字至九字不
等多完好秀勁可喜碑陰則漫漶特甚皆書佐等題名約二列
碑側四行二十餘字尚可辨識考昌邑聚即漢之昌邑國東漢
為沅州刺史所治水經注濟水篇河水又東逕昌邑縣故城北
大城東北有金城城內有沅州刺史河東薛季像碑次西有沅
州刺史茂陵楊叔恭碑從事孫光等以建甯四年立西北東有
泰山成人班孟堅碑建和十年尚書右丞拜沅州刺史從事秦
閏等刊石頌德政碑咸列焉此石末書七月六日甲子造按通
鑑目錄建甯四年七月己未朔後漢書靈帝紀建甯四年三月

辛酉朔閱兩小建七月為己未朔李翁西狹頌六月十三日壬寅立閱一小建七月為己未朔是七月六日甲子之為建甯四年無疑以此証之其為楊叔恭碑可無疑者碑有數絀十城之語後漢志載山陽郡十城又下文稱彰盛德云云蓋亦德政碑也於是從下當是事字下有陳留韓文當是叙立碑之人而孫光之名則已缺泐不可見矣又碑側稱陳留圉濟北荏平據續漢志圉屬陳留自光武時荏平本稱荏其更名荏平屬濟北自和帝時則是碑之為建甯四年所立更無疑也

張德容二銘草堂金石聚

右碑舊在鉅野昌邑聚土人置之屋隅嘉慶二十一年魚臺馬孝廉

邦玉

移置家塾不知何年殘損至於此極宋偉度貳尹舊

客魚臺曾見此碑據云石高二尺六寸五分上寬下銳寬三尺一寸銳半之厚一尺一寸六分陽存十二行共得八十字碑側四行存二十字碑陰皆淺微難辨可識者祇書佐元盛叔舉十餘字予玩其文與式大約係碑之左邊下角故其月日甲子造諸字皆全也書法古雅秀挺有合韓勅史晨二家意思元之吳炳重書桐柏廟碑略有其法是為補書漢碑之冠馮晏海謂其似鄭固殘石不類也碑側題名則跌宕疏秀不拘故常亦不異韓勅碑陰史晨碑末可寶也碑祇北魏鄭善長見之至南宋洪文惠即未覩其文千餘年後古蹟復出雖為剝泐之餘而字畫明顯並非椎拓所傷譬之善觀龍者觀其一鱗片甲之而森然

即能知為神龍也可爾

方朔枕經堂題跋

唐魏徵羣書治要錄尚書文達四聽注廣聽於四方此碑作四聽是西京尚書真文本作此偽孔作四聰蓋襲韓詩外傳而改朱士端宜祿堂金石記

右漢沅州刺史楊叔恭殘碑出鉅野昌邑聚第三行四郡數絀十城四郡上缺按沅与充通前漢書天文志角亢氏沅州沅州之名見於此

甘氏星經充州作沅州

昌邑聚即漢昌邑國屬山陽

郡前漢書地理志山陽郡領縣二十三首昌邑注武帝天漢四年更山陽為昌邑國有梁丘鄉後漢書郡國志兗州山陽郡昌邑刺史治有梁丘城叔恭官沅州刺史即此刺史治昌

邑者据郡國志兗州領郡五陳留東郡泰山山陽濟陰曰四郡者除山陽本治而言也又据志山陽郡十城而陳留十七城東郡十五城泰山十二城濟陰十一城皆較山陽為多故曰數絀十城也第六行泰山縣球攷兩漢志祇有泰山郡而無泰山縣或當時暫置未久省併而史志弗詳歟碑陰固孟堅据水經注知為東泰山成人姓班与蘭臺姓名字竝同何其巧合若是且在蘭臺之前矣 第一行容方釋害汪釋害第二行主下張釋舛錢左下第三行數方汪竝釋教弟五行先張釋侶知方釋知汪釋知韓下二字張釋文□方釋公假弟六行球張釋球球下二字張釋□分侶房下半方汪竝釋□方弟

七行示方汪竝釋亦示下三字張釋文故之曰昌上世方釋
□□其辭下張方竝釋曰第九行清方汪竝釋情碑側差方
釋在汪釋在羊方汪竝釋洋

建甯殘石

殘石高四寸四分寬一尺三寸二分前一行字徑一寸後一行
字徑一寸五分分書

第九百

建甯五

右殘石第一行與第二行百字下一字竝處略存殘画似日
字之左上角建甯五三字與第九百三字相距約兩行中空
無字五字下少半缺泐此行後尚餘兩行地步亦無字

殘石
橫寬

略約七行地步僅有此六字耳而年號適在其中洵悞事也

又

殘石縱四寸許橫約七寸字徑一寸半分書

第百十

建寧

百下當是廿字此與前一石正同當亦是建甯五年同時所作者

□郡太守殘碑

石上下殘缺僅存中段高約一尺八寸其分上下不平寬三尺五寸五分十六行後空三行行十五字至二十二字不等字徑八分分書兩旁邊間五寸五分鵠龜龍鹿馬等形陽文

上
倉龍庚午孟春之月因
閣下

上
公子百氏為
魯
於
下

典牧 惠 功惠

上關
□
□
□
□
歌誦東郡
□
□
望罪
□
□
□
□
□
下關

上 閣
□
□
□
□
和 二 子
□
□
安
□
愛 盈
□
□
□
□
下 閣

上關
□永壽元年□各□□□□□□□□□□
下關

關上
郡太守
關下

上闕
□
□
□
□
□
□
□
□
□
王
□
□
至
□
□
□
□
□
下闕

上
閣
元聖
王得
措之
閣

上
刻石封上
下

問下

問 7

四

問

F C

10

0 0

0 9

11

☐

1

有郡太守字典牧字功德字歌誦東郡字後又有兩守字疑
為東郡太守頌德之碑德作惠與郎中鄭固碑同漢碑多以
青龍數年亦開作倉龍倉蒼省高朕修周公禮殿碑初平五
年倉龍甲戌與此政同

議郎殘碑

碑上下斜斷前後亦斷缺僅存中段高不及八寸廣一尺六寸
許字有界格篆書

□□

器曰□□

五聲□□

蘭臺令史

議郎年七

半字泐

十月丁酉卒

帛大臨終□

缺所存孤□

半字泐

缺頃意不敢□

上缺名□□

案後漢書百官志蘭臺令史屬少府議郎屬光祿勳秩皆六百石然蘭臺令史掌奏及印工文書則猶供給之官與尚書令史主書者無甚差別故丁邯恥以孝廉為令史而議郎則當時名士就徵者輒授是職如虞詡左雄楊厚黃瓊李固蔡

邕傳變皆嘗為之蓋國政善否得以獻其議於上其才易見
賢者率不次超擢故百官志以次諫議大夫與令史為不侔
矣碑存蘭臺令史字次行存議郎字年七以下當叙其卒時
之年蓋先為蘭臺令史而以議郎終於官者漢人篆書今惟
孔林墳壇二種及建初四年三公山神碑少室開母廟二闕
延光殘石魯王墓二石人題字數種存世此碑筆特瘦勁較
之各種又覺殊觀雖存字無幾益足寶貴矣

隆命石刻

石下截斷缺現存高一尺七寸許廣九寸五行行十二三字不
等分書

漢□隆命並載□法以建六國下缺守□除相國賜□□並亭部

遲下缺

名宗□劉完通季□通伯世□伯

下缺

卿此王家祖家辛

面以畢□書之

下缺

□□百通急如律令

此碑漫漶過甚苦不能辨茲以意釋之如此韓仁銘末有如律令三字此作急如律令與彼正同案史記儒林傳序述所載詔書漢書朱博傳博口占檄文陳琳為袁紹檄豫州文東觀餘論所載漢破羌檄皆有如律令三字蓋漢時公文之式如此今世道流符呪則又襲用其語耳

食齋祠圍画像

石高二尺二寸四分寬一尺二寸八分四角經磨蝕略作橢圓形像高一尺六寸五分字徑一寸五分分書

食藥祠圍

四字在像左側

石高二尺廣一尺二寸餘一人正立平頂方額兩目淨脣短衣束要右手執物如刀劍右腋有八分書食齋祠園四字徑寸五分祠園或即寢園之類筆意極似六朝人

阮元山左金石志

右画像阮文達云筆意極似六朝人据北平翁氏兩漢金石記定為漢蹟石出鄒縣白楊邨開帝廟中画像手所執物如斧形當是如豐戾之類

見朱士端漢封陽石門画像跋

誼必有取弗可攷

石柱更封殘字

石高二尺六寸七分廣二尺五寸七分字刻側面上八分書

更封

右石四平如案上有刻畫漫滅不能盡辨此更封二字鐫於

側面之下其上亦有字迹辨似須作橫觀不若更封二字最顯豁也

王氏殘石

石就其最高廣處度之高約五寸八分廣約四寸五分八分書

吳為姓

王氏五子第

之長登至於宣

曰姓王云云

履和純殘石

石高約八寸廣約三寸八分書

才於才分升

頌和純始自髭
思主不出顏不

番更石殘字

存石大如掌分書徑寸許

番更音

右石僅存一全字兩半字第一字當是番字蓋古時吏卒入
直皆更番休上所以均勞逸猶今世所謂輪流也末一字僅
存右半似係黃之殘字

五百廿專

鉤齋臧石記

卷二

十一

高七寸九分廣三寸八分分書

五石

王太伯專

高八寸廣四寸

王太伯

右專首一字殆不可識當即王字有泐紋耳太說文為泰之重文後世作太實從此省書法似隸而兼真行與延熹土圭相近當亦同時物也

辟易殘碑

殘石僅存一片高五寸寬一尺四寸十三行行五字字徑八分分書

缺上
缺下

錢上
自 ☐ ☐ 伍 錢下

錢上
寂辟易深宅 錢下

錢上
自相 ☐ ☐ ☐ 錢下

錢上
蘇吏 ☐ ☐ ☐ 錢下

錢上
等各自 ☐ ☐ 錢下

錢上
民得土 ☐ 客 錢下

錢上
領人名并合 錢下

錢上
千 ☐ 二百 ☐ 錢下

錢上
☐ 令為 ☐ 大 錢下

旬齋歲石記

卷二

十二

上有慶民因爰下

非本支彈人下

上故方政下

右碑洛陽城外東北三十五里金邛鎮出土書執神似郎中
鄭固碑定為漢蹟案驛拓本早如干字惜無甚文誼可尋似
乎關涉民數吏事不能定為何碑也辟陽西漢縣信都國今
直隸冀州東南三十里深宅即深澤西漢縣中山國今屬直
隸定州余咸有漢深宅張他墓甌此殘甌以辟陽深宅竝舉
兩縣皆屬冀州尤足為深宅即深澤之確證東漢無辟陽深
澤兩縣名則此碑淩為西漢物可珎也

單于和親

版高九寸五分寬九寸九分四行行三字字徑二十八分篆書

陰文反寫右行

樂未央

反寫右行

萬歲安

親千秋

單于和

右親作於西漢之初字體猶近秦篆按通鑑漢九年十月遣劉敬使匈奴結和親是時未有年號作親者即事以紀年也親出直隸宣化府蔚州地名代王城即漢文就封地余購威二方同文同范精整無稍剝蝕

大吉利專

專直長一尺九寸橫廣一尺一寸五分上層圓頂式如碑額中作魚尾文分書兩行分刻左右旁復有魚尾文環之下層無

大吉利

大吉利

均階文

大吉陽額

額側高一尺並六分寬二寸三分橫列九字自左至右字徑二寸篆書陽文

大吉陽宜侯王富貴昌

吉陽即吉羊按漢書武帝紀注及五行志注皆云陽字或作羊漢經民校尉熊君碑治歐羊尚書釋云以歐羊為歐陽皆用羊作陽此額用陽作羊漢時二字互通也漢書古今人

表有樂陽師古曰即樂羊也与此政合

宜子孫軌

軌高寬各一尺二分三行行三字字徑一寸九分篆書陽文四周花紋

宜子孫

雷番昌

樂未哭

右軌出歸化城外二方文同范異分別著錄番番眉

又

軌高一尺二分寬九寸七分三行行三字字徑一寸八分篆書反寫陽文四周花紋

宜子孫

富蕃昌

樂未央

右甌与前甌同文各範字稍彥筆画亦小異

長樂未央甌

甌高寬各一尺蓋二分四行第一二四行行四字字裡二十四分篆書反寫陽文右行第三行花紋第四行第二字第四字下亦有花紋

千秋萬世

秋下世下空處花紋
此行花紋

子孫益昌

長樂未央

右軌出歸化城大王墓西漢物也余購感二方同文同范一
右下角缺

長樂未央軌

軌高一尺一寸四分寬一尺一寸三行行三字字徑三寸篆書
反寫陽文右行第二行中格馬形

孫益昌

英馬形子

長樂未央

右軌出歸化城外二方同文同范

富樂未央軌

軌高寬各一尺蓋一分二行行四字字徑二寸篆書陽文兩角
花紋

富樂未央

子孫益昌

右輓出歸化城外三方同文各範分別署錄

又

文輓高一尺五分寬九寸九分二行行四字字徑二寸篆書陽

宣樂未央

子孫益昌

右輓与前輓筆回小異

又

文輓高一尺五分寬九寸四分二行行四字字徑二寸篆書陽

官樂未央

子孫益昌

右甄筆画又小異

吉利宜王甄

殘甄高九寸六分寬一尺一寸三行第一行不可計第二行三字第三行四字字徑一寸五分至三寸五分不等篆書陽文

加

口金云

百利有王

右甄易州出土

富貴甄

瓶高八寸寬三寸五分二字平列字徑一寸九分篆書陽文

富貴

亥形瓶

瓶座存右上角高五寸二分寬六寸無款識兩豕形陽文

豕形二

右殘瓶刻兩豕形當是十二辰瓶此為第十二瓶也

旬齊城石記卷三

魏

曹真殘碑

有陰

碑座存中級高二尺三寸七分廣三尺一寸六分二
十行行十字至十七字不等字徑一寸有界線分書

□之後陳氏有齊國當隱王時仁宋并與一行

為基長以清慎為限交以親仁為上仕以忠出二行

市騎失石開豫侍坐公子將蘇同生使少長布三行

元公使持節鎮西將軍遂牧我州張振張進四行

□□羌胡讎之□□□張羅設穿陷之坑四生五行

□公不肱於是激公拜上軍大將軍擁出六行

穀節錢如故

以下空格

七行

□□□□□□□□□□大將軍授八行

□援於□公斬與造意顯有忠義原與臂九行

自約立化梁嘉百姓恃戴堯印陽春殊十行

絲霜於陸議奮雷震於朱然□□□於十一行

丁績家有注記立我末臣所融備載□十二行

兵如何勿旌一命而俯宋犯之敬十三行

、從俗以柱瀟不恣毒以遠憲寬十四行

嗟悼葦憲哀酸脯贈之贈禮十五行

與令趙護大尉擄嚴武雖十六行

世登華岱鎖玄石示後嗣□十七行

一為周輔東平峨峨位漢十八行

毛杖鉞牧我陝西威同霜十九行

存爰立碑位頌萬載不刊二十行

碑陰存題名二列每列三十人
字徑七分有界格分書

定皇甫□李忠

小孚秦庚

朔山秦伯謀

□李超

珍仲儉

三詳元衡

真安定梁瑋稚才

郎北地梁粲彦章

隴西彭劄士蒲

安定皇甫聲李雄

尉北地謝述祖然

代公時

以竺誼公達

地傅均休平

騎都尉西鄉真京兆張緡敬仲

司馬馮翊李翼國祐

口農丞北地傳信子思

空茂材北地傳芬蘭石

將軍司馬安定席觀仲厯

□主簿中郎天水姜北元龜

將軍馮李先彥進

日廣武亭侯南安龐孚山奉

尉叅戰事郎中京兆韓汜德脩

領司金丞扶風韋曷臣文

前典虞令安定王嘉公惠

民京令京北趙審安偉

民臨濟令扶風士孫秋鄉伯

民郿令隴西李溫士恭

民永平令安定皇甫肇芳載

民中平令武二

以前上列

州民中郎馬

州民中郎北地御史

州民中郎京兆郭

州民中郎安定胡牧

州民中郎龍西辛緒

州民秦國長史馮翊

州民護羌長史安定

州民西郡長史安定

州民下韓長天水趙

州民廣至長安定胡

州民濟武長京兆郭

州民武安長京兆趙

州民王門長京兆宋

州民小平農都尉安

旬齋臧石記

卷三

州民曲汝農都尉京北

州民郎中扶風羌潛公

州民郎中安定皇甫隆始

州民郎中馮翊王濟文雅

州民郎中京兆尹夏侯和

州民郎中天水尹轅封穀

州民郎中安定胡廣宣祖

州民郎中安定楊宗初伯

州民王門侯京兆郎靖芳

州民騎副督天水古成凱伯

州民雍州部從事天水染當
州民雍州部從事安定皇甫
州民雍州部從事安定染頤
州民雍州從事天水孫承季
州民雍州從事京兆蕭儀公
州民雍州書左丞定卅

以前下列

右魏曹真碑存中段拓本高二尺四寸廣三尺一寸劉燕庭方
伯所貽方伯跋云道光癸卯秋日青門書友吳耐軒訪得云近
出長安南門外十里許農民耕田得之土中因分贈徐星伯太

守沈朗亭太史二君皆據三國志改為魏曹真碑惟朗亭疑碑

右有缺行乃未見原石不知兩側俱刻有龍形也

今觀兩側增刻殘缺所存

無幾要是雲物非龍形

容案此碑從來金石家未經著錄黃氏中州金石

攷雖有曹真祠堂碑然亦久佚據魏志真傳文帝即王位以真為鎮西將軍假節都督雍涼州諸軍事碑有遂牧我州之語是則真為雍州牧州民勒石頌德之碑也惟真遠大將軍在明帝即位時禦蜀在太和二年卒於太和五年三月碑中有羣寮哀酸賄賂之贈等語則此碑之立當在真卒以後非在牧雍時矣真病還洛陽薨銘詞亦祇有頌詞無哀詞故知碑雖卒後所立要是頌德碑非神道碑也

張德容金石聚

按世本稱曹為叔振鐸之後左傳哀八年宋公入曹以曹伯陽
歸曹遂滅地入於宋史記宋王偃四十七年齊湣王與魏楚伐
宋遂滅宋此碑首行所以有齊慙慙湣伐宋之文也第三行存
騎矢石間豫侍坐公子將蘇同生使少長有叙此似言真嘗侍
太祖其將蘇二子學生者亦使少長有序也然攷真六子爽義
訓則彥暄無所謂將蘇者未能明也第四行公使持節鎮西將
軍遂牧我州張掖張進此即真本傳文帝即王位以真為鎮西
將軍假節都督雍涼州諸軍及張進反於酒泉真遣費耀討破
之斬進等之事也文帝紀則言金城太守蘇則討平之第五行
有羌胡誑之妖道公張羅設陷阱之坑此事不見紀傳第六行

於是徵公拜上軍大將軍此即本傳黃初三年還京都以真為
上軍大將軍都督中外諸軍事

都督中外諸軍前此未聞蓋自真始而其子爽繼之

假節

與夏侯尚等征孫權擊牛渚屯破之之事也第八行假節如故
即本傳轉拜中軍加給事中事也第九行蜀□諸葛亮稱兵上
邽公拜大將軍即傳所云遷大將軍諸葛亮圍祁山南安天水
安定三郡反應亮帝遣真督諸軍之郤遣張郃擊亮將馬謖大
破之之事也蜀下一字剝蝕觀後文屠蜀賊云云知是賊字聞
係碑出土時為土人鑿去近則并此一行鑿之矣第十行公斬
其造意顯有忠義者原其脅從即傳所稱安定民楊條等略吏
民保月支城真進軍圍之條降之事也第十二行□冬霜於陸

議奮雷霆於朱然吳志朱然傳呂蒙卒孫權假然節鎮江陵魏
遣曹真夏侯尚張郃等攻江陵然中外響絕云云攷是時當陸
遜破蜀之日遜為大都督領宜都太守故不在江陵圍城中遜
傳裴松之注引吳錄曰劉備聞魏軍大出書與遜云賊今已在
江陵吾料復東將軍謂其能然否蓋是時先主在白帝遜雖領
荊州牧仍鎮宜都所不能東下解江陵之圍者備西蜀故也碑
云□冬霜於陸議者使伯言震恐耳亦不為過當語銘詞有東
平峨峨作漢□□攷曹氏在漢代無封東平侯者真初封靈壽
侯進封東鄉侯皆在魏未受禪之前故仍稱漢代是則本傳東
鄉為東平之誤

曹叡封東平侯在明帝太和六年子曹芳嗣爵在真卒後碑陰所列皆雍涼

部民惟安定皇甫隆後為敦煌太守有善政見魏志倉慈傳注
及齊民要術序又有小平農都尉安定某按漢晉志並無小平
縣水經河水注河水又東逕平縣故城北俗謂之小平也據此
則三國時小平已入碑版非僅俗稱也又有典虞令安定王嘉
稱為令似是縣名而典虞縣無可攷晉書職官志太僕統典農
典虞都尉是典虞為官名非縣名當再詳攷真傳為太祖族子
卒於洛陽而此碑出長安者真久鎮關中吏民為之頌德立石
非其冢墓之碑也

水經灤水載水注並稱子丹
碑制作之精則指其墓碑也

金石跋
楊守敬壬癸

右曹真碑張楊二跋並攷為州民頌德立石非其墓碑其說

良是張跋殊略楊跋則攷證詳矣顧仍有未盡者張進之事並見文帝紀及張既蘇則閭溫等傳所書亦並作張振張進與碑正同真傳云黃初三年還京都以真為上軍大將軍都督中外諸軍事假節鉞接叙於討張進之後蓋由雍州還京都也又云轉拜中軍大將軍加給事中明帝即位遷大將軍今碑云徵公拜上軍大將軍叙次與史傳合惟此下碑斷故脫云轉中軍大將軍一節觀下一行有云節鉞如故當是言其轉拜中軍大將軍節鉞如故也節鉞如故以下無字乃係讓格擡頭則次行之首當叙明帝之即位蓋據史先後本如此吳志書陸遜據其改名魏志皆書作陸議如遜本傳叙遜

敗曹休事明帝紀則云曹休率諸軍至皖與吳將陸議戰於石亭敗績青龍二年又書孫權遣將陸議孫韶各將萬餘人入淮沔蓋當時魏人惟知有陸議故仍書其本名觀此碑亦作陸議正可互證承祚亦因舊史書之耳真傳載真嘗射虎應聲而倒太祖壯其驚勇使將虎豹騎碑有虎騎矢石間豫等字似指其事言之趙護嚴武蓋即立碑之人也碑陰存二列凡六十人就可見者安定十七人京兆十一人北地天水各六人馮翊扶風各五人隴西三人南安一人皆雍涼二州屬郡也觀此則上列亦當各冠以州民二字與下一律今後五行尚各存民字更可見矣各人姓名見於史傳者僅六七

人餘皆無攷張緝為張既子事附既傳及裴松之注又與李翼並附見夏侯玄傳及注中傳稱既封西鄉侯則緝乃襲其父爵裴注引魏略緝字敬仲拜騎都尉與碑正合惟傳稱既為馮翊高陵人而碑作京兆案玄傳載翼為李豐之弟亦稱豐與緝俱馮翊人裴注亦云緝與豐同郡今碑書馮翊李翼與史合而署緝京兆則必係碑誤矣嘉平中安定皇甫隆代趙基為燉煌太守已見楊跋又鍾會傳注載胡遵安定人子廣字宣祖晉書胡奮傳亦同今碑所書與兩史合惟裴注以廣為奮弟晉書以為奮兄未詳孰是曹爽傳注引世語謂爽解印綬將出主簿楊綜止之又云綜字伯初與此碑合惟綜

字碑作宗小異固當是一人也傳叔傳載叔字蘭石北地泥陽人司空陳羣辟為掾今碑有北地傳芬字蘭石是惟名不同且亦題司空茂材當即係陳羣所舉或其時年尚少後更名叔與又碑有廣武亭侯南安龐參案龐德傳德南安狹道人戰歿後賜子會等四人爵關內侯邑各百戶似乎即德之子由關內侯進封亭侯者其後會亦進封臨渭亭侯又其證也士孫氏見元和姓纂及氏族略案後漢書士孫瑞扶風人今碑上列有扶風士孫秋末一行殘缺似亦扶風士孫□也第二列有北地鄉□案集韻鄉音馭鄉名今以諸人例之則鄉乃係其姓而姓氏及字書皆不載豈即以鄉為氏而諸書

悉缺漏與姓纂氏族略載有古成氏碑有古成凱伯下缺則
古成當是姓凱名伯□其字也晉書地理志謂漢武置天水
郡孝明改為漢陽晉復為天水故近人作三國會要仍書漢
陽郡且謂曹真等傳已作天水蓋史臣由後稱之之詞不知
此碑立於魏代實已作天水是魏時確已改復不始於晉晉
志誤也案文帝紀末即位以前尚書漢陽郡黃初元年改易郡因縣邑則天水之復當在此時又會要
以隴西南安漢陽等郡屬之秦州蓋亦沿晉志而誤不知冀
即漢陽郡治亦即涼州治見於閭溫楊阜等傳是漢陽屬涼
州之明證楊丕復輿地沿革表謂魏人後分隴西漢陽南安
廣武四郡置秦州尋廢故不別立秦州最為得之證以此碑

乃益信矣碑中所列官名多不見於史傳者韓暨以監治謁
者就加司金都尉見暨本傳據碑則又有司金丞通典載魏
官有典虞都尉第六品據碑則又有典虞令續漢志注引魏
志云曹公置典農都尉秩六百石或四百石蓋以郡縣大小
而異通典統列於第七品毋邱儉傳注載儉表有云移三征及州郡國
典農各安慰所部吏民是典農分置郡國州邑之證觀毋邱
儉為洛陽典農都尉父傳注有襄城典農可知此碑又有小字
誤碑平農都尉曲沃農都尉益可攷見當時之制通典有騎
督第五品據碑則又有騎副督凡此皆可補入諸書者至護
羌長史驃騎以下將軍司馬各有品級則已見於通典矣三國

會要謂太尉參戰事郎中蓋軍中暫置又疑玉門候即關
都尉之屬當亦可信然參戰事與下郎中字似不應連讀蓋
郎中是其本官耳文帝紀黃初元年改大農為大司農則傳
信所署官當係大司農丞四字洪氏三國職官表謂初學記
通典皆云魏無三署郎而本書有中郎郎中未知何署官品
今此碑有中郎六人郎中八人並韓記亦未能定其何屬蓋
魏不應無三署郎或自晉以來始無之仍如洪氏之說耳秦
國長史蓋王國官屬攷明帝紀青龍三年八月封皇子詢為
秦王計是時始置官屬據此則是碑之立當在青龍三四年
間陳羣卒於青龍四年十二月與傅芬一條時亦相合徐松

第據其卒年以為太和間立者猶未確也碑凡木旁皆作示已開後人習氣誑枉右旁兼用說文夫即矢字毛即旄字

西鄉侯兄張君殘碑

石高三尺二寸許廣一尺三寸許殘缺皆朕不可悉準隸書

西鄉侯之兄江州刺史之考也蓋張仲興周室

山續乃祖服體明性詰寬裕博敏孝友恭順著於

上之咸位南面競德國家猶昔八雲文王是謚世

上書悅樂古今允通聲稱爰發牧守旌招歷主薄

上入理左右波宜器有特達計拜郎中除夷陵侯

上同唱憲和為信所仇君耻倖比愠于羣小換序

缺上以讀換証堯崇保障之治建勿刻之化開義遏

缺上罰折中戶口既盈禮樂敷如帝簡其庸通池

缺上雖姜公樹迹藿檀流稱步驟愈否君叅其中

缺上三半戶之應宜 □ □ □ □ □ □ □ □ □ □ □ □

右張君殘碑近時河南某縣民墾地得之石已中斷此為右半
下截因碑中有張仲興周室語故知為張氏碑存九行前四行
十八字後五行十七字末又有一行斷折惟辭命不應四字尚
可辨仞文云西鄉侯之兄冀州刺史之考魏志張既傳既以功
進爵都鄉侯後徙封西鄉侯冀州在三國時亦屬魏則此碑當
為既兄無疑

蜀志張毅傳子瑛亦封西鄉侯而此碑所
缺縣名皆曹氏重城可決其非張瑛也

漢碑先

敘近代子姓後敘遠祖如金石錄載安平相孫根碑云司空公之伯子樂安太守之兄子漢陽太守侍御史之兄乘氏令之考厥先出自有敘云云此碑先敘其弟與子後及先世即用其例惟張君與其子刺史之名皆無可考碑敘所歷官云歷主簿拜郎中除夷陵侯缺下換序缺下復換征羌蓋由主簿郎中為列侯屬官又出為序□征羌二縣令長侯下數字在次行之首已不可攷序下一字亦闕魏時冀州魏罷序即縣仍漢之舊又漢鉅鹿郡有序章縣晉書地理志作序漳屬廣平郡注云魏置統縣十五案水經濁漳水注建安十八年魏太祖鑿渠引漳水東入清洹以通河漕名曰利漕渠疑是時始以序漳改隸廣平郡碑文

序下一字蓋非卽卽漳也征羌亦漢縣罷國志屬汝南郡洪北江撰三國置域以征羌等九縣於史無徵削而不錄今得此石可知魏時征羌縣亦仍漢舊金石之有碑史志其功匪細序說文本作廂隸變為序縣釋載陳球碑陰序卽王□郭仲奇碑序秦摘楚與曹全碑世宗廓土序竟字體俱同換字史傳罕見漢碑往往以之代遽字如隸釋楊統碑換健為府丞孫根碑換元氏考咸令唐扶頌換君昌陽令及左扶風李寓碑換漢中安陽咸作咸或作咸今皆是碑云君耻倂比愠于羣小案詩板無為兮毗釋文引字書作駉駉玉篇廣韵又作駉駉今碑文作倂比與玉篇諸書所引同為三家詩異文又云崇保障之治建勿刻之化詩召

南釋文引韓詩作勿刻集韻上聲亦引勿刻勿敗漢書序傳韋昭注刻與翦同又蔡邕劉鎮南碑云蔽芾甘棠召公聽訟周人勿刻我賴其楨邕習魯詩是魯韓兩家並作勿刻矣此石所存僅百餘字而有益於微經彌足寶貴又云姜公樹迹崔橿流稱博物志文王以太公望為灌壇令暮年風不鳴條釋載高彪碑有云流化外黃貧管崔橿亦用此事惟二碑皆作崔橿蓋灌壇之段字也碑出土時隱然尚有朱文蓋沉寢千餘年從未經人椎拓與王基碑後先合轍端君午橋以重值購至京師以初拓本見眎觀其字體峻整已開任城孫夫人之先決為魏刻無疑因亟為攷跋之時光緒辛卯十二月

吳士鑑跋

右吳君定為魏西鄉侯張既之兄殘碑差為近似惟吳君因
既官魏遂疑其兄之歷官亦以魏之疆域官制限之此大不
然按魏志既傳年十六為郡小吏後歷右職舉孝廉不行太
祖為司空辟未至考太祖為司空在建安元年既卒於黃初
四年計受知於曹氏將三十年稽之前此為小吏舉孝廉在
漢之末其年歲應在四十以上漢制舉孝廉限年四十以上見左雄傳即如左
雄所言異才異行不拘年齒如魏武之以二十舉孝廉其由
小吏歷右職舉孝廉不行亦必展轉數歲其年度在六十左
右其兄之年又高於既稽其經歷數職亦有年所以既官魏
不過四年既兄之官非在魏世可以懸定且由靈帝中平以

後改刺史為牧至魏則改為都督某州諸軍事其偶有置牧
若曹休之揚州夏侯尚之荊州孫禮桓範之冀州皆在文明
兩帝及齊王芳時其時既已前卒即其兄尚在已間六七十
歲此碑言牧守旌招其不可附會明矣故私斷其兄之歷官
必在東漢之季其官職郡縣皆與之合而後不疑於夷陵屬
吳其侯封之不得為魏領也但考諸文獻通考及萬斯同歷
代史表東漢及魏皆無夷陵侯之稱魏之冀州刺史亦無張
姓其人則當闕疑以侯達者又吳君言換字史傳罕見按漢
書薛廣德傳奏尹賞與薛恭換縣顏師古注時令條有材不
稱職得改之此換字見於史傳者其義若今之繁簡互調不

盡如吳君所云代遷字也又此碑之倚比與字書廣韻所引之特𦣻及特𦣻皆夸毗之別體為後世所附益亦不得言為三家詩異文也其餘已見吳君所考茲不復贅姑舉其可議者證之而已

五官掾殘碑

殘碑座存一片尺寸行數字數不可計字徑一寸四分分書

五官掾功

減廢刑

口哀感慕

右殘碑第一行五字第三行慕字竝泐太半感字不可識書

執侶曹真碑因附曹魏末按後漢書百官志每郡皆置諸曹掾史有功曹史主選舉功勞有五官掾署功曹及諸曹事漢鄆縣碑有五官掾功平史少室神道闕銘有五官掾陰林又後漢書西京末郭唐為信都五官掾此殘碑云五官掾功與鄆縣碑政同殘碑功字下當是曹字鄆縣碑當是功字下攷曹字古石刻往往有誤字不改攷字不添者碑係魏蹟官名則仍漢舊百官即屬字說文屬旱石也从厂蔓省聲蔓亦蔓

省

錫齡案說文蔓篆正作蔓近鉅氏疑為後人改當以此碑正之

旬齊城石記卷四

晉

郭休碑

有陰

碑頂圓式連額高七尺七寸寬二尺九寸二分二十行行四十五字字徑一寸弱碑陰上列二十五行下列十五行字徑八分強弱不等茲分書額四行行四字字徑二寸五分篆書

晉故朗威將軍南蠻太守犯府君侯出碑

額

君諱休字公彦東萊曲成人也其先出自黃軒后稷之裔干子之穆有穉封者以德建國命氏為郭君其後也卒勲顯緒庶載綿邈逮君之身舍海岱之英靈纂乃祖之洪流偉姿□於岐嶷聰達地于自然孝友著乎鄉邑德行立於當時夫其抗節亮直度操弘毅

岳峙淵渟威而不厲仁愛足以容□乾格足以正世初志羣藝遊
心博鑒九思通朗令聞宣帑然其天材器為事興方冉季之多略
超張趙之逸蹤弱冠□□上計掾州辟部司治中別駕讚翼萬里
克昭茂績察孝秀才竝以不就再辟公府為相國掾實隆鼎棟光
輔和□□□巴蜀未賓侵犯王略元戎啓行□簡精帥朝推英能
以君為使持節征蜀將軍司馬遂遷鄴督軍糧治書侍御史□□
本郡主公所在典司外臺統攝殷廣君明敏多藝達于治體損益
時務間塞世教謹言嘉謨屢抗其謀清商邁於□□□風發於冀
野朝廷欽羨拜子男騎都尉遷新成大守爾乃宣惠康敦素樸崇
四術正雅俗敷五教以訓民明賞□□□國翔晨風於北林紮白

駒於空谷猶公孫之處鄭文翁之左蜀也於是政行化成上下交
和邦畿穆穆農□作□越狂狡劉巴東邊人告急君乃震威龍
驟席奮躬踐虜場斬將褫旗積尸如京封豕遠遁三巴用康天府
蘭勲□□于臺加明威將軍賜子男爵關中侯又遷江夏太守旌
蓋未移迴輿我邦追妣文之遺風匡二南以誕化崇為政□以德
帥大禮則興讓故能期月緝熙宣曜仁恩馳於區域重光被於遐
荒遵禹稷之勲美美信臣之惠趺胥原隰以□灌務稼穡以豐國
吳肆鯨鯢潛寇襄陽君苞神籌順風霆發以貔貅七千摧犬羊三
萬陸伉奔北於南施績與尸於□赫赫振旅元功是暢率土稱慶
江漢攸寧方將宏宇崇爵翼亮天明致皇代乎隆熙激清流於九

野昇天不惠降年□永春秋六十有三泰始五丰八月庚辰薨于
位天子閔悼羣后詒□謂者弔祠於是故吏弩羨謝放等追慕遺
化永懷罔極僉以為先民即世庸器勒勲歿而不朽賴之斯文乃
相與刊石立銘撰紀□行俾彼來昆有所瞻仰其辭曰

皇皇大極芒芒渾元含靈□□篤生尋倫邈矣君侯鍾此清□皓
然秋素品藻如春內弘九德六行外宣應期作度命世立言龍蟠
鴻漸爰□其□翼三事揚光台辰賦政于外□暢德鄰頌聲萃顯
至敬入神將登紫庭皇極是銓遭命大□九鼎□淪爰勒金石永
昭後昆

泰始六丰二月丙子造

此行在碑末低二十八字書泰字与十
八行聲字平去文末約空四行

碑陰

故吏南鄉弩義字方明

故吏南鄉謝放字長舒

故吏陰張述字令國

故吏順陽郭汰字耕弘

故吏筑陽梁習字代伯

故吏陰張友字景仲

故吏順陽郭瑜字世元

故吏筑陽鄭承字獻之

故吏南鄉馮和字建龍

故吏武當陳襲字偉祖

故吏順陽宋柳字建之

故吏順陽楊晞字子顏

故吏武當李他字文子

故吏陰張觀字伯之

故吏鄴董寶字子玉

故吏南鄉鄭岱字永先

故吏順陽張造字長周

故吏順陽黃成字季仕

故吏順陽黃譙字欽第

故吏順陽馮禮字芝齊

故吏武當楊興字元封

故吏武當張建字仕烈

故吏丹水李真字長恭

故吏順陽王華字道英

故吏鄧張毅字長護

已上二十五行上列

□主順陽王羣字宣封

義民順陽郭貞字任良

義民順陽呂崇字脩文

義民武當文定字長淵

此行後

三行

司馬順陽黃根字巨原

義武猛掾武當華吳

此行後空五行

郡領縣八戶萬七千五百卅

職散吏三百廿人

兵三千人

騎三百匹

參戰二人

騎督一人

部曲督八人

部曲將卅四人

已上十五行下列

右晉明威將軍南鄉太守郭休碑拓本連額高七尺五寸寬三尺五分在掖縣從前未有著錄者按郭不見於姓氏書碑稱其先出黃軒后稷有號叔者以德建國命氏為郭君其後也字書郭郭也郭姓氏系正出自號叔顏魯公郭敬之家廟碑與唐書世系表並同似郭即郭字漢碑多別體假借字多以音義相同者為之魏晉猶沿其習疑此即以郭為郭也郭休名亦不見於史晉書武帝紀泰始四年吳將施續入江夏萬郁寇襄陽遣義陽王望屯龍陂荊州刺史胡烈擊敗郁碑中吳肆鯨鯢潛厄襄陽施績輿尸云云頗與史合惟陸伉奪地於史無徵碑叙休舉辟歷官多魏時事有云再辟公府為相國掾巴蜀未賓侵犯王

略元戎啟行朝推英能以君為使持節征蜀將軍司馬按晉文帝紀云大將軍曹爽之伐蜀也以帝為征蜀將軍似休本係司馬氏私屬在魏時為義陽王部將者施績事義陽王望傳中亦載之又按晉書地理志漢建安十三年魏武盡得荊州之地分南郡以北立襄陽郡又分南陽西界立南鄉郡及敗於赤壁南鄉以南屬吳後吳與蜀分荊州而荊州之名南北雙立於是江夏屬吳襄陽南鄉為魏魏文帝以漢中遺黎立魏興新城二郡孫權分江夏立武昌郡晉武帝平吳改南鄉為順陽郡是晉南鄉新城江夏各自為郡南鄉已改順陽碑中叙休為新城太守遷江夏太守而額題仍稱南鄉太守蓋此碑之立尚在未改順

陽之前也 又按集古錄有南鄉太守司馬整碑整即義陽王望之子晉書附見望傳歐陽公跋云整以魏咸熙二年為南鄉太守是歲晉武帝受禪改元泰始泰始三年徙整南陽而南鄉人為整建碑此碑休由新城太守遷江夏太守不言年月並無遷南鄉太守之文惟遷江夏太守之下有云旌蓋未移迴臨我邦似江夏未蒞任即改遷南鄉也下云泰始五年亮于位則休之為南鄉太守即泰始三年接整之任者又歐公跋整碑陰云將吏三百五十人皆有邑姓名字今本隸續二十一卷載有碑陰一通前缺其半後亦無跋不知為何碑之陰以集古及此證之似當即整碑之陰也惟隸續具載官位此碑則統稱故吏義

民但未有司馬義武猛掾書其官隸所列後亦有司馬武猛中
郎將武猛都尉武猛校尉諸官名皆冠以部曲二字而此碑部
曲則但統舉人數而不分列人名又此碑故吏有順陽郭汰字
淵宏筑陽梁習字代伯武當李他字文子邑姓名字皆與隸續
碑同而今隸續郭汰作郭沐代伯作休伯恐今本隸續有訛字
也二人皆議曹掾李他為從史位又此碑有筑陽郄承字獻之
隸續有筑陽缺勅字獻之恐亦一人承勅二字以音致訛耳休
整之相繼為南鄉太守固確有可證郭休之不見於史是史之
略也

張懷瓘二銘并堂金石聚

右晉南鄉太守郭休碑道光末始出土在山東掖縣今歸陶齋

端尚書家碑首稱南鄉太守南鄉本魏荊州屬郡晉書地理志武帝平吳改南鄉為順陽郡此碑立於泰始六年在平吳之前故尚稱南鄉碑云巴蜀未賓侵犯王略元戎啟行朝推英能以君為使持節征蜀將軍司馬按晉書義陽王望傳云泰始三年進位太尉中領軍置太尉軍司一人參軍事六人騎司馬五人又云假節加大都督諸軍事假節與碑云使持節合惟征蜀將軍傳作征西將軍蓋休於是年正為義陽王騎司馬也晉職官志文帝踐阼始置領軍將軍以曹休為之主五校中壘武衛等三營屯騎步兵越騎長水射聲等校尉是為五校魏晉建於江左猶領營兵並置司馬功曹主簿皆中領軍統之

太平御覽引
陶氏職官要

錄云五校晉承漢置以為宿衛官各領千兵職官志使中軍將軍羊祜統二衛前後左右馳騎等營即領軍之任御覽又引王隱晉書云羊祜為中軍將軍統宿衛是領軍乃宿衛之官然則休所為司馬乃屬五校之司馬而皆統於中領軍傳所稱騎司馬蓋即五校中之屯騎越騎也碑又云吳肆鯨鯢潛冠襄陽君苞神籌順風霆發以貔貅七千摧犬羊三萬陸伉奪地于南施績輿尸於字陸伉即陸抗抗伉段用吳志抗附父遜傳建衡二年大司馬施績卒拜抗都督信陵西陵夷道樂鄉公安諸軍事鳳凰元年西陵督步闡據以叛遣使降晉孫皓步闡傳亦在鳳凰元年碑云奪地于南即指此事奪說文手持隹失之也孟子勿奪其時荀子楊倞注正作勿失其時蓋謂抗失去西陵而為部將步闡所叛也西陵漢夷陵縣屬荆

州宜都郡建安二十四年陸遜取之吳黃武元年改為西陵其地適當襄陽之南義陽王望傳云吳將施績寇江夏邊境騷動會荊州刺史胡烈拒破之望乃班師武帝紀同事在泰始四年即吳寶鼎三年績歸仍為大司馬踰二年至建衡二年始卒言輿尸者謂其傷師無功而歸也惟步關叛抗事國志在鳳凰元年為泰始八年碑立於六年已云陸抗奪地自當以碑為正志文或誤入後二年耳 右碑陰凡二列故吏弩羨等二十五人

□主王群一人義民郭貞等三人司馬黃根一人義武猛掾華吳一人義武猛掾不見於史職官志州置武猛從事集古錄司馬懿碑陰亦有武猛中郎將武猛都尉武猛校尉等官蓋同隸

一職而吏不詳其建置也又云郡領縣八戶萬七千五百卅地
理志順陽郡太康中置統縣八戶二萬一百碑立於泰始時為
南鄉郡尚在改順陽之前故戶數較少又云職散吏三百廿人
職官志郡國戶不滿五千置職吏五十人散吏十三人五千戶
以上職吏六十三人散吏二十一人萬戶以上職吏六十九人
散吏三十九人南鄉在萬戶以上以志準之職散吏不應至三
百廿人之多或晉初建國官職尚未釐定而志文乃據元康永
嘉百官名耶末云兵三千人騎三百匹參戰二人騎督一人部
曲督八人部曲將卅四人參戰諸官皆志所不載

吳士鑑跋

右碑翟文泉錄篇再續張少薇金石聚竝著錄張氏所計高

廣尺寸與與今拓本不合殆誤記耳謹按

欽定古今圖

書集成姓氏典甄錄姓氏書極博宋王應麟姓氏急就篇明
王圻續文獻通考分均姓氏凡至奇之姓悉備而皆無郭姓
可據碑補諸書之闕碑云郭君東萊曲成人晉志作曲城按
漢志作曲成而郊祀志作曲城孝武紀亦作曲城碑後文有
新城晉志亦作新城成城可通碑云弱冠入朝以卒年攷之
郭君當生於漢建安丁亥而弱冠當在魏太和初碑云察孝
秀才隆安三年楊陽碣亦有察孝騎都尉之文蓋當時選舉
之目也又云以君為使持節征蜀將軍司馬晉志使持節為
上持節次之假節為下狀魏已來無定員晉紀懿師昭皆持

節而使持節唯昭有之亦在景元四年平蜀之後不宜更置
征蜀將軍攷文帝紀大將軍曹爽伐蜀以帝為征蜀將軍狀
無使持節之文蓋史闕也其年為魏正始五年邾君年三十
七為司馬當在是時又云遂遷都督軍糧治書侍御史通攷
魏置持書執法掌奏劾而持書侍御史掌律令宋志魏置侍
御史八人有治書曹掌度支運比云晉軍糧即所掌之度支
運也又云魏之本郡主公所在按魏帝所都立司州甘露三
年以并州之太原上黨西河樂平新興雁門司州之河東平
陽八郡地方七百畧封昭為晉公晉公有司州之二郡故曰
本郡又云拜子男驎都尉遷新成太守其遷守不能定為何

時狀必在景元元二三年之間蓋前一年為昭典司外臺之年後二年為吳寇巴東之年郭君咸在事其守郡不能出景元數年也且新城每與吳有繫青龍二年權攻新城嘉平二年新城太守陳泰攻吳五年吳又圍新城而景元數年無吳侵魏事故碑稱政行化成上下交和邦畿穆穆農旅作歌也又云吳越狂狡劇劉巴東吳志永安七年二月陸抗步協等率眾圍巴東蓋即平蜀之明年為魏咸熙元年是年郭君年五十八又云俾侯于臺晉志臺鼓後漢志臺屬濟南齊乘云臺城在濟南東北三十里漢封戴野為臺侯郭君侯其地則魏時猶未省併也又云加明威大將軍晉志鼓通攷通典竝

云梁置宋志云後漢及魏時置据碑則宋志是也又云遷江夏太守旌蓋未移迴臨我邦我邦謂南鄉南鄉為魏武尋荆襄時置集古錄有南鄉太守司馬整頌及碑整以咸熙二年為南鄉太守以泰始三年徙南陽郗君蓋繼整任者是年郗君年六十一又云吳肆鯨鮑潛冠襄陽晉紀泰始四年十月吳將施績入江夏萬郁冠襄陽即其事故下云施績與尸也是年郗君年六十二明年卒已上事實竝與文合唯碑云陸伉奔北於南陸伉即陸抗漢碑伉抗多通用劉寬碑仇浮雲之志楊君石門頌深執忠伉竝以伉為抗特點画又稍變耳隋時二字尚通用劉明夫人碑氏合葬墓誌伉漢作抗漢奔北張氏釋奪地誤細案拓本

奔字从大从卉筆画顯狀北字尤脛晰之至碣非奪地也陸
抗与晉軍交綏唯步闡降晉抗軍圍羊祜楊肇拒抗救闡
一役國蜀已東是役實抗破肇祜亦引還非抗奔北且事在
泰始八年謂碑文曲筆飭嫩可也郭君於泰始五年八月先
卒年分亦不合史誤即抑碑不可盡信即存疑可耳又碑陰
云郡領縣八以故吏題名計之尋七縣曰南鄉曰陰曰順陽
曰筑陽曰武當曰鄱曰丹水補以司馬整碑陰所載之析縣
而八縣始足向非据此二碑幾莫知南鄉之領縣幾何矣南
鄉所統之八縣即晉志順陽所統之八縣但改郡名而縣無
廢置也將吏有義武猛據晉志州屬有武猛從事

北立猶有此官西門

約碑陰有武猛侯參戰晉志缺宋志魏咸熙中晉文為相國
事相父相等題名相國府置參戰十一人又曹真碑陰有參戰事郎中韓汜又
察戰吳官名吳志使察戰到交趾調孔雀大豬今江甯有察
戰巷參戰之職殆與察戰相若其部曲督部曲將司馬整碑
陰均有之漢官印亦屢見

房宣墓額

紙高寬各一尺四寸八行行七字字徑一寸五分分書

晉故使持節都督青徐諸軍事征東將軍軍司關中侯房府君出
墓君諱宣字子宣和明人也璜君出子夫人王氏
大康三
年二月六日

按晉初督青徐者為衛瓘繼瓘者為琅邪王伋據伋傳出為鎮東大將軍假節徐州諸軍代衛瓘鎮下邳平吳後並督青徐加侍中之服進拜大將軍開府儀同三司太康四年薨此志云太康三年正琅邪王伋督青徐時伋於未平吳以前督徐州已為鎮東大將軍不應平吳後並督青徐反去大字此無大字一不合也姓氏書辨證載常山太守房稚由靈壽徙清河繹幕晉初清河房乾傳使北留不遣後隨魏南遷遂占籍河南洛陽故自漢至唐史書所載房氏名臣皆青冀豫人此志出關中而云和明人二不合也晉志關中清河河南並無和明縣紀傳中亦無之晉志固多疏漏而宋書州郡志亦無之三不合也金石文字

往往與史文參錯然未有如此之離奇者

楊守敬壬寅金石跋

右墓甌房宣揭銜使持節都督青徐諸軍事征東將軍軍司
關中侯迺與萃編著錄晉劉韜碣官爵政同劉韜碣跋錢氏
潛研堂攷證軍司之職蓋氏授堂攷訂關中侯爵級竝鵠碣
靡遺可遂作房碣跋文茲不贅述

安丘長王君墓神道

石高一尺二寸五分
廣一尺六寸八分

晉故安丘長城陽王君墓神道

四行篆書

太康五年歲在甲辰安丘立

一行正書

右按晉書地理志安丘屬東莞郡城陽魏武帝析北海郡置

晉仍之

范陽□栢墓專

專上的斷去二三寸見存高八寸許廣五寸六分正面三行左側一行字徑二寸二分或一寸二三分不等分書

上錢已

康五丰

下同

六 重朔

栢字林

范陽人 此三字在專側

右專分書古朴的是晉以前物晉自劉淵僭亂范陽陷沒不入版圖然則更當為惠帝以前法物攷從前以康紀年者西漢則有元康東漢則有建康永康延康晉則武帝有太康惠

帝有元康永康然漢自元康以下皆不及五年晉之永康亦僅二年而止惟武帝之太康惠帝之元康歷年差久然則此專題□康五年非太康即元康矣蓋晉人墓誌率用專為之故近世出土者甚多如大令之保母誌亦專也次行之上似八月二字月上又有缺痕如八字者今細審若以為八月則月下朔上不能容二字蓋八字正當斷處實非八字乃月字之僅存者其似月字者則當為丙字或庚字所泐朔上當是寅字蓋原題□康五年□月丙寅朔或庚寅朔也三行上當是柳字此蓋其名故字曰□林柳上當係其姓則已斷矣晉書地理志范陽縣屬范陽國隸幽州

太原烏太等葬專

紙高一尺零五分廣五寸三分三行分書大小不齊

元康六年二月十七日

大原烏太歸義王

振建年七十七字卒

按歸義置縣始於南齊及北魏晉代實無之今此紙以歸義與太原並稱豈當時偶置旋廢而史不書歟

鄧元女專志

專長八寸九分廣約四寸二分
首尾二行刻兩側上八分書

六月廿三日

鄧元女喪

元康七年六月廿三日

楊陽墓闕

石高一尺二寸寬一尺四寸縱七行行七字字徑一寸分書

晉故巴郡察孝騎都尉枳楊府君之神道

君諱陽字世明涪陵太守之曾孫

隆安三年歲在己亥十月十一日立

右晉巴郡察孝騎都尉枳楊府君神道拓本高一尺二寸廣一尺三寸前人未有著錄近湖州姚彥侍方伯由川入楚於川東民家以千錢得之今在方伯處晉書地理志枳屬巴郡華陽國

志屬江州郡東四百里治涪陵水會土地确瘠時多人士容按
戰國策楚得枳而國亡即此秦漢置縣晉因之胡三省曰漢之
涪陵今彭水縣也今之涪陵乃漢枳縣也涪陵郡蜀先主所立
隸續有涪陵太守龐玄神道輿地碑記以為即龐士元之子也
李雄據蜀後枳縣荒廢桓溫定蜀別立枳縣尋廢溫平蜀在穆
帝永和三年丁未此石立於安帝隆安三年己亥相距已五十
餘年則枳與涪陵當是仍其舊也

張德容二銘草堂金石聚

右闕題晉故巴郡察孝騎都尉枳楊府君神道按晉書地理志
枳屬巴郡寰宇記謂劉璋置屬國都尉理涪陵王象之輿地紀
勝引元和郡縣志枳本秦枳縣也李雄據蜀其地為戰場桓溫

定蜀以涪陵理枳屬巴郡騎都尉後漢書職官志比二千石注
曰無員漢武帝置騎都尉以李陵為之晉亦有其職察孝按永
壽二年蒼頡廟碑側有邦方太守上郡仇君察孝除郎中太原
陽曲長而此闕云察孝騎都尉疑察孝是官名吳志三嗣主孫
休傳永安五年使察戰到交趾調孔爵大豬裴注云察戰吳官
名又晉書陶璜傳孫皓時交趾太守孫資請貪暴為百姓所患會
察戰鄧荀至調孔爵三千頭郡吏呂興殺請及荀以郡內附按
其義則察戰當是官名闕題察孝殆與察戰同耳又據晉書楊
佺期傳父亮由偽朝歸國終於梁州刺史從弟敬攷亦為梁州
刺史而枳與涪陵皆屬巴郡即禹貢所謂梁州也題曰涪陵太

守之孫果指亮與敬攷否未可知也隆安為晉安帝年號三年
己亥與史合碑書與叢寶子略同石近年四川新出今歸安姚
方伯携於家

汪鑒十二硯齋金石經眼續錄

晉楊陽墓闕分書晉安帝三年立在四川巴縣鄉間累石三重
中段刻字下有兩佛象承之姚方伯彥侍輦以歸今歲晉石厂
按楊君巴郡枳人晉地理志枳梁州巴郡縣屬今四川涪州囊
宇記云桓溫定蜀別立枳縣於涪陵郡東北一十里鄰溪口又
置枳城郡尋廢闕立於隆安初上溯桓溫平蜀已六十三年其
為巴郡之枳無疑漢元光元年令郡國舉孝廉晉元帝時制楊
州歲舉二人諸州一人騎都尉武散官漢武帝置厯代因之楊

君蓋梁州所舉而終於騎都尉者文四十三言書地書官書出身書先世達官書年月實實簡老與劉韜韓壽同猶是漢人遺則也

修葺孫莪風堂文集

右墓闕上言巴郡察孝下言枳楊府君則枳屬巴郡無疑華陽國志巴子時雖都江州先王陵墓多在枳則枳之名不自秦始矣又云郡東枳有廣德嶼明月峽水經江水東至枳縣西延江水從牂柯郡北流西屈注之鄢注江水東至梨鄉厯雞鳴峽江之兩岸有枳縣治則枳在巴郡東顯江而理按即今長壽縣地太平寰宇記唐武德置樂溫縣秦時枳地也曹石倉曰

蜀中名勝記

今長壽縣界有樂磧鎮即其地在今巴縣東

南矣

說文枳木似橘周禮冬官攷工記橘踰淮而北為枳巴志曰漢世郡治巴水北有柑橘官枳之名或防此或古

時橘枳無異名矣

石威歸安姚氏咫進齋余昔遊滄濱以舒鳧二百

翼得之或者疑焉謂夫以錢易石殆必無是事也而又不欲
頌言以自暴其惡俗迺至於滑稽之中寓景蠻之說稍自悞
其異趣攻擊之私彼焉知石與錢孰重輕也溺研桑之祕者
語以歐趙之錄其為不投奚啻爰炭

沈郎泉範

錢板高二寸六分上寬一寸一分半下寬二寸二分小五銖泉
式三列八枚字側向左泉徑四分弱

五銖

右泉範所列泉式字體及徑大小與倪模古今泉略李佐賢

古泉匯所列沈郎泉式無繭髮銖面有肉郭無好郭亦合定
為沈郎泉范晉書食貨志吳興沈充又鑄小錢謂之沈郎錢
吉金錄謂魏明帝復五銖泉至晉用之沈充第小其製仍用
其文也